

## 12. BRAVE TI JEAN

In jour ti ennan in zomme qui ti ennan in garçon qui ti appelle Ti Jean. Ca zomme ti in chasseur et i ti alle faire la chasse toujours avec son fleche.

Alors in jour i appelle Ti Jean et y montrer li in montagne ec son fleche, i dire li: "Mon piti, ou voir ca montagne qui la-bas. Pas monte li jamais, y ennan in quantitée bebete sauvages la bas." Et i montrer li son fleche, i dire li: "Pas touche ca fleche parceque ya capable arrive ou malheur."

Papa Ti Jean i arriver mort. Ti Jean ecque son manman i tombe dans la misere. Ti Jean i veiller l'heure son manman pas la i vole fleche. Mais l'heure son manman i arriver i voir qui fleche pas la y commence tracasser parceque i connait qui Ti Jean quine prend ca fleche et ine alle cotte ca montagne qui son papa ti empeche li aller et qui ine arrive li quette chose.

L'heure Ti Jean tine arrive lo la tete montagne i guette en bas dans la plaine i voir quette chose qui pe bouger. Ti Jean i descendre et l'heure i arriver i voir trois zanimaux: l'aigle, lion ec fourmi. Ca trois z'animaux tine gagne in boeuf et zotte ti pe partager mais ti in partage qui pas tombe di tout d'accord. Zotte ti pe faire in dispute et l'heure zotte ti voir Ti Jean, zotte ti crie li: "Mais brave Ti Jean l'heure i ti trouve lion, i cale derriere, i pas ti trop trop fier. Mais apres i ti coster et i ti donne chacaine in part egal. I donne tous les os fourmi et i dire li quand ya fini ya gagne sans meme sa pour faire son la case. I donne lion tout la viande et l'aigle tout tripe. Zotte tout zotte ti bien content ecque partage. Zotte ti faire Ti Jean enne ti cadeau chacaine. Fourmi ti donne li in boutte son la patte; lion enne son poil et l'aigle enne son plumes et Ti Jean ti bien satisfait et apres i ti continier son chemin.

Le temps i pe aller i voir in la ville qui ennan pavillon en noir et li Ti Jean i ouler connait qui i ennan. Y entrer dans la ville et y commence informer. Bande habitants i dire li fille le roi ine disparaitre depuis quinze and dans in pays qui seulement geants qui rester. Alors Ti Jean i demande la permission le roi pour li alle cherche son fille et le roi ti bien content: I dire ecque Ti Jean: "si mon fille i

returner moi faire li marier ecque ou. Ti Jean i aller cherche son fille et le roi ti bien content: I dire ecque Ti Jean allez mon piti. Ti Jean i aller, aller. I regarde son plume l'aigle et i dire "Par la vertue mon plume l'aigle moi ouler qui moi vine in l'aigle et i vine in l'aigle. Y appose juste lo la fenetre ca princesse et l'heure princesse y voir Ti Jean, y peur. Mais Ti Jean i dire li: "Pas besoin peur, moi vine cherche ou." Mais Princesse i dire geant pres pour arriver et qui si i joindre li lai pour mange li vivant. Alors Ti Jean i prend son la patte fourmi et i dire: "Par la vertue mon la patte fourmi, moi ouler qui moi vine in fourmi." Desuite i ti vine in fourmi et i colle ecque la patte lilit. Geant i arriver. Comment princesse i voir geant i commence pleurer. Geant i demande li: "A cause qui ou pleurer son fille? Y ennan dimonde quine vine cotte moi a cause moi senti l'odeur la viande frais." Princesse i repondre en tremblant: "Non.... seulement moi peur." Geant i demande li encore: "Be a cause qui ou peur?" Princesse i dire: "Moi peur pengard quand ou pas la dimoune ya vine prend moi." Geant y rier: "Pour dimoune tire ou la faudrait moi mort. Mais pour touille moi faudrait zotte alle faire la guerre avec in tigre blanc. L'heure zotte anne touille ca tigre faudrait qui zotte a va ouvert son ventre, dans son ventre zotte a trouve in cabri, dans ventre ca cabri zotte a trouve in pigeon et dans ventre ca pigeon zotte a trouve in disoeuf. Et faudrait prend ca disoeuf casse lo mon front et mon la case pour vine mon tombeau. Ou par maniere i difficile avant qui mon mort." Present geant i dire ecque Princesse qui i besoin aller.

Comment i aller Ti Jean i vine cotte Princesse et i dire ecque li l'heure geant i retourner crase in bouteille mette dans son manger parceque l'heure ya retourner y pour deja commence malade. Ti Jean par la vertue son plume l'aigle y arrive dans pays tigres blancs. Ca l'endroit cotte tigres ti ete ti dans bord chateau le roi qui entourer avec muraille et barreau ti rester toujours fermer. Ti Jean i ouar in garde et i demande li la permission pour li alle touille tigre. Le roi ti donne li la permission et Ti Jean aussi demande in zomme et zotte ti donne li enne qui fou et i ti appele Joseph fou. Ti Jean i dire ecque Joseph Fou. "Moi moi pour change en in lion et le temps moi va pe faire la guerre ecque tigre blanc envoye manger dans

mon la gueule et dans la gueule tigre tigre envoie galets. Ti Jean ecque Joseph Fou i alle cotte tigre blanc. Tigre i voir lion. I tine ecque fini en colere. Ca deux bebetes i commence la guerre et Joseph Fou i commence faire son devoir. I nourri Lion et i donne tigres galets. A la fin lion i touille tigre, i ouvert son ventre i ouar un cabri; y ouvert cabri et pigeon i aller. Ti Jean i dire: "Par la vertu mon plume l'aigle moi ouler qui moi attrappe ca pigeon" et i gagne li aussi. Y ouvert ventre pigeon et i prend disoeuf. Ti Jean ecque Joseph Fou zotte retourne cotte le roi qui ti bien content. Alors Ti Jean i retourne dans pays geant. L'heure i arriver geant ine deja malade, necque Ti Jean i prend ca di soeuf i casse lo front geant qui mort in seul coup et son la case aussi i prend du feu.

Alors Ti Jean i envoie comission cotte le roi pour envoie cherche zotte et in bateau ti vini mais par malchance capitaine ca bateau ti in prince et l'heure i ouar ca princesse i fou, y ouler marier ec ca fille li meme et i pousse Ti Jean dans la mer. Mais par la vertu son la patte fourmi i ti change en fourmi et y ti colle ecque fond bateau. Bande zommes ti crier pour dire y ennan in zomme quine tombe dans de l'eau. Capitaine pas ni en train.

L'heure zotte arriver papa princess ti bien content mais l'heure capitaine i raconte li pour dire Ti Jean i tombe dans la mer i ti bien chagrin. Mais Joseph Fou ti commence raconte bande serviteurs pour dire capitaine quine jette Ti Jean dans de l'eau et pendant ca le temps mariage princesse ec Prince (capitaine) tine pe commence faire. Ti Jean l'heure mariage ti pe alle beni i passer et le roi i voir li et la Ti Jean i raconte le roi qui maniere captaine ti faire ecque li.

Le roi ti bien en colere. Necque i faire appele prince et i dire li. "Prince si in dimonde i ouler touille son camarade pour li gagne son place faudrait faire ecque li?" Prince i dire: "Mon roi ca i facile, necque ou prend li ou amarre li lo deux cheval qui ya dechire li en deux." Necque le roi i dire li: "Oune prononce ou propre condamnation" et soldats ti vine prend li et zotte faire pareille i ti dire.

Ti Jean li i marier avec Princesse. Joseph Fou ti vine son serviteur.